

„Lista za Sandžak neće podržati ni jednog kandidata, „Danas“, 20.11.1997.

Demant Sulejmana Ugljanina

Na osnovu zakona o informisanju, a u cilju objektivnog informisanja javnosti, zahtjevam da objavite demant na članak koji je objavljen u dnevniku „Danas“ dana 20.11.1997. godine na strani 2 pod naslovom: „Lista za Sandžak neće podržati ni jednog kandidata“

U navedenom članku, koji je rađen na osnovu press-konferencije, koju sam održao u Novom Pazaru 19.11.1997. godine sa početkom u 12.00 h, pored ostalog stoji i sljedeća sporna rečenica:

On je pozvao Muslimane da se ne odazovu pozivu Vlade Srbije za legalizaciju jer se SDA „zalaže za demokratizaciju cele teritorije Sandžaka, a ne selektivno razoružavanje naroda“.

Ova sporna rečenica koja se pripisuje meni kao moja izjava, u potpunosti je netačna, neistinita i najblaže rečeno zlonamjerna.

Obzirom na izražen neprijateljski odnos režima prema Bošnjacima Sandžaka, ovako iskonstruisana laž može biti dovoljan

povod vladajućem režimu da pojača policijski teror nad Bošnjacima Sandžaka koji već sedam godina kontinuirano traje.

U cilju objektivnog informisanja javnosti citiraću moju izjavu koju sam dao kao odgovor na pitanje novinara vezano za Uredbu sa zakonskom snagom Vlade Republike Srbije o legalizaciji oružja:

Muslimansko nacionalno vijeće Sandžaka se zalaže za potpunu i trajnu demilitarizaciju Sandžaka. Ovakva odluka Vlade Srbije u situaciji u kojoj se nalazimo je zlonamjerna. Mi se zalažemo za trajan i stabilan mir, sigurnost, saradnju i povjerenje među narodima. Mi se zalažemo za razvijanje tolerancije a sa oružjem se ne izgrađuje tolerancija, MNVS i sve političke stranke članice MNVS su protiv oružja. Bošnjaci Sandžaka nemaju oružje. Zato ga treba oduzeti drugima koji ga imaju, a ne legalizovati.

Dr Sulejman Ugljanin,
predsjednik MNVS i poslanik
u Vijeću građana Skupštine SRJ

Danas/9

22-23.11.91

Danas